

刑部比照加減成案

刑部比照加減成案卷二十六目錄

杭州許槤

同訂

安陸熊義

刑律受贓

官吏受財

在官求索借貸人財物

因公科斂

刑部比照加減成案卷二十六

刑律受贓

官吏受財

山東司

嘉慶十八年

東撫題捕役孫久獲賊私拷盤知鄭祥代賣竊贓將鄭祥之子捉拏復向鄭祥之妻鄭張氏嚇詐致鄭張氏情急抱子鄭付五

官吏受財

投井斃命。將孫久照蠹役詐贓斃命。例擬
絞監候。該犯嚇逼致斃母子二命。情節較
重。請

旨改爲立決。

直隸司

嘉慶二十年

長蘆鹽政奏滄州壯役吳棠催辦兵車。多
收車價京錢五十八千。始因車輛尙無回

期迨後車輛已回。既奉本官示諭。並不遵照給還錢文。意圖侵蝕。釀成控案。如僅照多收車價計贓二十九兩枉法贓杖七十徒一年半無祿人減一等杖六十徒一年未免輕縱應毋庸減等仍擬杖七十徒一年半知州議處。

安徽司

嘉慶二十年

卷十六

刑律受贓

提督咨邵二。因父邵四在縣押追。該犯央求差役陳幅。將伊父討保。被陳幅訛詐錢文。迨後開給錢票。夥役孟端復向索添。該犯嗔其多管。彼此爭毆。致傷孟端身死。將邵二依鬪殺擬綾。陳幅乘機索詐。釀成人命。實爲此案舛端。應於蠹役詐贓杖一百。上酌加一等杖六十。徒一年。仍盡本法。加

枷號一個月刺字。

直隸司

嘉慶二十五年

直督奏都司雙福因藉生辰圖收壽禮。寫單交衛守備耿述明代爲請客歛銀十一兩。依官吏非因事受財坐贓致罪通算折半一兩至十兩律笞三十。按私罪例止罰俸六個月。惟平日罔知自愛與地方紳士

交結往來。雖告借未成。已屬有踰閑檢復于醉後。與耿述明互罵。喝令兵丁將其拉出。實屬任性妄爲。有玷官箴。業經革職。不准開復。耿述明係捐職衛守備。交結營員。逞醉回罵。未便因先經革去職銜。予以免議。照不應重律杖八十折青三十板。

浙江司

嘉慶二十年

浙撫奏華安幘開設錢鋪收納錢糧串通
庫書楊遇慶侵蝕錢糧經州查訊尙未承
認戶書楊啟進聽從在逃之該州門丁劉
四向詐多贓許其從輕辦理華安幘以無
力餽送多金被逼自縊查華安幘侵蝕錢
糧係屬罪人將來緝獲劉四到案應照姦
役詐贓斃命殺罪上量減擬流楊啟進應

照爲從減一等擬徒係書吏加一等流二千里不准留養庫書楊遇慶並無監守之責其商同華安帽串侵花戶糧銀卽屬庫項計贓八十八兩該犯事發逃避嗣因借錢不遂挾嫌稟訐並非畏罪自首應依常人盜倉庫錢糧不分首從八十兩綏雜犯徒五年係書吏加一等流三千里刺字

浙江司嘉慶二十五年

浙撫題柳張明遺失禮帶陳光裕路過拾獲經柳張明查知交還並斥陳光裕偷竊陳光裕不服爭鬧經任世率以柳張明謹竊罰令置酒服禮柳張明被罰不甘尋根失蹤仍稱陳光裕行竊赴控衙役陳長邦帶陳光裕投審中途索詐差費陳光裕許

給錢文。因無處設措。欲行逃避。陳良尾追。
陳光裕逃下渡船。情急跳河身死。陳良依
謠役詐贓斃命擬絞監候。柳張明應照謠。
良爲竊捉拏拷打軍罪上量減一等滿徒
河南司道光二年。

河撫奏州役王丙辰向黨進來催討代墊
煤錢。尙非平空嚇詐。惟黨進來已付給一

半錢交其餘央緩不肯迨給棉花作抵又復不允并令吏目衙門差役楊悅將其帶進城內索追以致薰進來情急自盡實屬恃役逞威致釀人命將王丙辰比照蠹役嚇詐致斃人命綏罪例上量減一等擬流情節可惡發新疆充當苦差

陝西司道光二年

欽差文等奏差役緝拏罪犯致將正犯親屬通斃案內之縣役成英奉票緝拏吳克昌未獲懼干比責起意商同夥役成玉等追拏吳克昌之弟吳應昌希圖獲案追問吳克昌下落致吳應昌窘迫自盡吳應昌係屬無罪之人該犯等將其逼死未便照尋常威逼致死之例而訊無嚇詐婪索別

情未便照。詐贓逼命之案擬絞。將成英比。
依蠹役詐贓逼斃人命擬絞。例上量減一
等滿流。

直隸司道光元年

順尹奏差役胡子成因里書孫鐸浮收銀
兩事發到官奉派看押。將孫鐸任意鎖繫
窓櫺致孫鐸墜鍊身死。門丁葉文于孫鐸

犯事後乘機索詐惟孫鐸之死非葉文私
囑鎖抑與嚇詐致斃有間胡子成止于看
不如法尙無非理凌虐胡子成應于非理
凌虐罪囚致死絞候葉文子蘊役詐贓致
斃人命絞候例上各量減一等擬滿流

奉天司

嘉慶十九年

奉尹咨差役雷雲因該典史究出買休人

李花生租住李汝霖門房開鋪。雷雲拘傳。
李花生外出。雷雲將李汝霖長子李玉生
鎖拘到官。李汝霖回歸。詢知伊子被差侮
辱。投繯頸命原擬比照威逼人致死。毆有
重傷律擬徒部議。李玉生並非應辯之人。
雷雲輒行鎖拘致其父李汝霖氣忿自縊。
應照蠭役嚇詐致斃人命。綏罪上量減滿。

流。

福建司嘉慶二十一年

南城移送營兵王殿揚等向王七嚇詐致
令自縊案內之王玉等當王殿揚等藉端
訛詐旣未用言恐嚇許給錢文亦未爭論
多寡僅止多分錢文尙無帮同嚇詐情事
應于爲從滿流上量改爲滿徒

直隸司嘉慶二十年

直督奉阜平縣長隨孫義詐欺僧人如性
銀兩。將孫義依詐欺官司取財擬流加重
發新疆。經本部以孫義充當長隨因僧人
如性欲圖住持金龍寺接開官山煤窑囑
託趙鼎圖轉央該犯斡旋願送給銀二百
五十兩。該犯因本縣本有仍令寺僧接管

之語。輒收受銀兩。懲令本官批准。按例應照官吏受財。今科以詐欺之條。與例不符。將孫義改依不枉法。贓擬以滿流。係長隨得贓。牒官舞弊。從重發往新疆爲奴。如性依以財行求。趙鼎圖說事過錢。均應與受同科。俱擬以流三千里。如性還俗發配。趙鼎圖係干總業已答革。康永吉以借項誣。

告詐贓應照誣告滿徒加誣罪三等應擬
滿流量減一等滿徒該縣吳銓漫無覺察
革職毋庸議

廣西司嘉慶十八年

廣西撫咨差役韋興帶同散役傅提葛世
良在葛世良家守候供應飯食雖訊無索
詐勒逼情事惟因葛世良不回將葛韋氏

用鍊套項聲稱帶縣押交。以致葛革氏畏累輕生。實屬情役作威。革興應照蠹役嚇詐髡命擬綏監候例上量減一等滿流。

雲南司嘉慶十九年

雲撫題張小許因伊弟毆死夏汝香聽從母命頂兇認罪已經成招該犯係同案之人例應減正犯罪一等第係迫于母命代

弟頂謠與常人受賄。頂兇有間于應得流
罪上減一等滿徒。

江蘇司嘉慶二十五年

江格奏已革從九品職員王仲淵明知王
廣璧被王廣林糾掄因王廣璧鄉愚可欺
反唆王廣林聲言欲以誣良等詞抵擋該
犯乘機向王廣璧串詐分肥復獨向聯詐

致王廣權自縊頃命查該犯係退卯刑書應比照蟲役詐贓致斃人命例擬綏監候

江蘇司嘉慶二十五年

蘇撫題丁士行戮死蔣在潮案內郭佩大周八曾充縣捕悞公斥革復敢假冒索詐錢物計贓二兩雖丁士行現係竊賊並非平人惟革役冒贓釀命郭佩大應照蟲役

恐嚇索詐者計贓一兩至五兩杖一百加枷號一個月周八應比照爲從減一等杖九十枷號二十五日

山西司嘉慶二十三年

晉撫各外結徒犯案內臨汾縣門丁張八因向行戶牛洪仁發換潮銀三百餘兩未遂私行鎖押與蠹役詐贓無異未便因其

贓未入手。稍爲輕縱。張八卽張林。此照竊役。嚇詐貧民。計贓十兩以上。發近邊充軍。例量減一等滿徒。

陝西司道光元年

陝督咨外結徒犯內苗進幅。充當清海衙門通丁。因辦理會哨番案。曾蒙奏賞頂戴。嗣因蒙古訟案完結。向章京却達什需索。

謝銀所得茶封糙鹽計贓六十五兩。恃役妄索未便僅以事後受財折半科罪。第尙無恐嚇情事。應比附加減定擬。將苗進幅革去頂戴。比照蠶役恐嚇索詐計贓在十兩以上。近邊軍罪例上量減滿徒。

直隸司

嘉慶二十四年

直督奏。鄉長梁喜承辦遞犯車差。因官給

例價不敷該村向有帮貼京錢一千文。該犯起意浮派漁利。始則向趙明索要京錢三千不給。將趙明毆傷。繼則稟州差傳。復詐京錢五千。以致趙明在店病斃。若僅計贓科罪。不足以懲衙蠹。將梁喜比照蠹役詐贓斃命綏監候例上量減一等杖一百流三千里。

湖廣司嘉慶二十四年

北撫奏已革知縣顧烺忻失察丁役買食鴉片烟及差役索取得贓並于到任後添設紅班房均于例議復于熊起和誣控張品元一案審斷後得受銀六百兩家丁陳四既先以結案後張品元等出錢酬謝之言向告卽未便以事後受財論查熊起和

所控張品元聚賭等情審明實係挾嫌誣控。張品元本無罪可科于法尚無所枉領。煩忻應照不枉法贓一百二十兩以上綏監候雖已將銀呈繳藩庫惟官員營私婪贓若照完贓減二等例僅擬以滿徒實屬輕縱應請。

旨發往新疆充當苦差門丁陳四在署外

居住買屋娶妾。復因張品元許銀懲囑該犯先向領烺忻代爲轉懲。後又經手送交銀兩將陳四照長陪鴻恩本官妾爲如本官罪止流徒以上與同罪例發新疆給兵丁爲奴。

安徽司道光元年

安撫奏張繼珠因謝士安住屋與伊地毗

連。疑係謝士安侵占。與素好之董耿五談及。董耿五亦挾嫌唆使張幘珠控告。並充代爲作証。張幘珠隨赴縣呈控。該縣患病委縣丞往勘。該縣丞飭差唐貴傳訊未到。嗣謝士安欲爲子娶姻。進城買物。與唐貴路遇。唐貴令赴縣呈契。謝士安本未帶有契據。答以查勘時再行呈出。唐貴不依。扭

至該縣丞公館向管門家人應幅告知應幅卽回明該縣丞出堂訊問謝士安不能呈出地契令帶出取保唐貴請將謝士安管押給其尋人取保該縣丞應允唐貴將謝士安管押側屋謝士安因伊子婚期在即被押情急自縊除該縣丞依私押輕罪人犯致死從重發往新疆外差役唐貴家

人應幅訊無串詐情事。惟唐貴將謝士安扭帶赴官。牒情管押。以致忿急。自縊。應幅于謝士安到案時。輒稟請該縣丞訊問。實屬怨恩干預。均比依羈役詐贓斃命殺候。例量減一等杖一百流三千里。革職五挾嫌。怨恩張帽珠控告。不知謝士安賴未侵占。與主令誣告有間。且所控並非重事。惟

主使唆訟致肇衅端照誣告人因而致死
律酌減等杖一百流三千里張韞珠因
疑誤指應照不應重杖。

湖廣司道光元年

北撫省侯維甲撞獲攜帶小錢之萬之揚
將小錢搜獲使用嗣該地保張潮禮查知
起意向侯維甲索分侯維甲不允僅給小

錢二百文。張潮禮嫌少氣忿，卽將小錢收受。作爲憑據。稟官追繳。旋經飭差查拘。俟羅甲畏累乘間投河溺斃。查張潮禮身充地保。本係在官人役。與衙役無異。惟肇衅雖由于詐贓致死。實出于畏累與嚇詐逼斂者。有間比照羣役詐贓斃命擬綏例上。量減一等滿流。

湖廣司道光元年

湖督奏均州差役朱魁，因徐廣業爭控地
畝。奉票傳喚人証未齊。經官飭令將徐廣
業發保。朱魁以曾代徐廣業擔欠飯錢。慮
恐放回不給報。將徐廣業扣留。並嚇稱如
再延宕。定稟官比追致徐廣業被逼自縊。
該犯逼索欠錢。固與詐贓不同。惟徐廣業

之死。究由該犯傳差恐嚇所致。比照蠹役詐贓致斃人命。擬殺監候。例量減滿流。

河南司道光元年

河撫奏差役潘其隴。因王道行分居胞弟王金承買王金氏牛隻價值未償。王金氏往向王道行索討。不允。赴官呈控。票差往傳。王道行質訊。時值天晚。不能進城。王道

行。欲俟次早進城。該役卽以有錢卽不進城。無錢總須進城之言向逼。致王道行慮及官司花費。愁急自盡。查蠹役詐贓斃命。雖不論贓數多寡。必實有贓數方擬緩首。若意在索詳究與詐贓斃命得有贓數可指者。有間而起意圖詐致斃人命例無治罪專條。比照蠹役詐贓致斃人命例上量。

減一等擬流

安徽同嘉慶十九年

安撫奏馬春因奉差查傳汪期高無獲將其店夥汪位三帶案訊釋後該犯復向汪位三嚇唬逼令交出汪期高致汪位三畏累自刎訊無索贓照蠹役詐贓致斃人命絞罪上量減一等滿流

奉天司嘉慶二十一年

盛京將軍奏王君重因採辦木植招民人
溫盛山擅辦溫盛山欲在無票山場偷砍
央懇該革員將舊存在家之鐵烙印借用
以圖影射該革員貪利允從又因陳添智
等浮冒木價起意分肥該革員先後得受
陳添智等京錢二百千自應按律以枉法

贓科斷該將軍將該革員比照身爲財主
雇倩多人伐木例擬流從重發遣殊未允
協王君面應改依枉法贓三十兩律杖八十
徒二年從重發新疆充當苦差陳添智
依詐欺官司取財准竊贓論九十兩杖一百
徒三年高吉魁依詐欺官司取財准竊
贓論八十兩律杖九十五徒二年半該二犯

係旗人非律應刺字銷檔者向不實徒該將軍所擬實發駐防與有祿之王君重無所區別該二犯仍照例折枷應各再加枷號一個月查界領催蘇成阿幅興受賄縱放偷木質屬枉法惟所犯究與寡廉鮮恥有間該將軍將該二犯依監守自盜科罪復請刺字銷檔予以實徒與例未協蘇成

阿等均改依枉法贓無祿人減一等問擬
從重加枷號一個月。

直隸同嘉慶十九年

長蘆鹽政奏郭林係德州知州長隨因呂
文成被押免戶書胡八向求周全和息該
犯乘機索銀三千兩呂文成旋在押病故
贓雖未經接收惟通同書吏招搖贓數累

百盈千而呂文成旋又在押病故卽不得
律以蠹役詐斂斃命之罪亦未便因其斂
未入手致滋輕縱郭林胡八改依蠹役詐
斂十兩以上發近邊充軍差役並成等將
呂文成擅加鎖鏹嚴拷索詐應照押解人
犯猶加鎖鏹逼致死傷發烟瘴充軍

山東司嘉慶二十年

東撫題趙冰祥身死案內散役因王桐在
縣訐訟向王桐索詐錢文王桐不允將王
桐扎傷身死應比照姦役索詐貧民如係
拷打身死照故殺律擬勒監候

山西司嘉慶十八年

晉撫題周世財聽從母命代弟周世亮頂
兒照不應重杖八十枷枷號一個月周世

亮仍照聞殺擬綵。

廣西司

嘉慶十八年

廣西撫奏差役歐盛奉票喚人先與陳山向韋含章需索飯食銀十兩並未到手迨後歐盛拉其到縣韋含章咆哮公堂致被掌責韋含章愧忿輕生原非歐盛索詐所致惟歐盛等先曾詐銀究屬玩法將歐盛

比照恐嚇詐賊致斃人命不論賊數多寡
擬絞監候例上量減一等滿流陳山聽從
勒索合依蠹役索詐六兩至十兩滿徒賊
未入手量減一等杖九十徒二年半

奉天司

嘉慶二十一年

吉林谷田弼等毆傷王名身死案內之戴
存成因姜兆喜囑令頂認正兇並誑以無

須僨命及事後帮助之言。輒出名頂認。屢審諱匿真情。幾致正兇漏網。惟戴存成並非受正兇囑托。律無明文。應比照間凝。戴存成應照奸徒得受正兇賄賂。挺身到官頂認。審係案外之人。尙未成招。頂兇人犯減正犯二等例杖一百。徒三年。

山東司

嘉慶二十年

東撫客棍徒擬軍解往配所之牛連，因身
帶刑具染疾難行。囑令伊叔牛安那、項替
收禁解役。張魁徇情允許，均屬不法。惟牛
連路越十餘站，先後隨行，並未脫逃。應比
照極邊烟瘴軍犯初次脫逃改發新疆，當
差例衡情量減免其調發，仍發原配柳號，
一個月張魁訊未受賄，應于牛連原犯軍

罪上量減一等滿徒牛安邦聽從頂替係
牛連胞叔與外人受賄頂替者有間查奸
徒受賄頂兒放而還獲例得照本罪減一
等問擬則親屬頂替犯未潛逃者應酌量
遞減牛安邦應於解役張魁滿徒上遞減
等杖九十徒二年半其餘兵役訊不知
情均照不應重杖

宦官求索借貸人財物

直隸司

嘉慶二十四年

本部奏理藩院員外郎佛尼音保因出差時收受與伊素有瓜葛之達爾漢王餽送計贓在百兩以內復於達爾漢王來京起意向其挪借銀二百兩雖非挾勢強索惟該革員係理藩院司員不顧閑檢輒向蒙

古親王借貸實屬膽大卑鄙。將佛尼音保比照監臨官吏求索借貸所部內財物。計贓准不枉法論折半科罪不枉法贓一百兩杖一百流二千里財未接受應減一等滿徒惟係現任職官應加重發往烏魯木齊効力贖罪以示懲儆。

廣西司 嘉慶十九年

廣撫奏都司楊沖鳳欲賣當票向當夥索
看當貨不允令兵丁將當夥掌責查所當
衣服估值銀五百餘兩照官吏求索借貸
所部財物強者准枉法論律計贓擬流量
減一等滿徒

因公科斂

湖廣司

嘉慶二十三年

順尹奏宛平縣縣丞徐振璜借賀印爲名
斂錢請分據稱收得銀錢爲添補改造衙
署費用第該縣丞請分在先未便以不入
已論查請分斂錢與因公科斂不同自應
比律問擬徐振璜應照官吏非因公務科

欵財物入已計贓以不枉法論折半科罪
律七十兩徒一年半

刑部比照加減成案卷二十七目錄

杭州許樞

同訂

安陸熊義

刑律詐僞

詐爲制書

詐傳詔旨

對制上書詐不以實

僞造印信時憲書等

私鑄銅錢

詐假官

詐稱內使等官

詐病死傷避事

詐教誘人犯法

刑部比照加減成案卷二十七

刑律詐僞

詐僞制書

江蘇司 嘉慶二十三年

蘇撫咨革役芮華藏匿本縣公文改造差
票妄拏平人冀圖嚇詐雖贓未入手而葛
勝榮已被詐情急投繩設若無人解救幾

致釀成人命。芮華應於詐爲州縣衙門文書、詆騙財物。近邊軍例上加一等發邊遠充軍。

雲南司 嘉慶二十年

雲撫咨朱連貴向縣書余上選買備官發緝拏逆犯文票。督差嚇詐余上選因給印票粘單漏鈐縫印。恐補印致承差盤詰敗

露卽用文移印花粘貼例無明文第文票
係由官發給旣與許爲不同而印花係別
項文內竊取亦與盜用有間余上選于許
爲州縣文書杖流律上量減一等滿徒係
舞文作弊加等流二千里

直隸司

嘉慶二十五年

兵部奏周恩綬將舊存檢收印劄私改營

詳爲制書

弁年歲。究係檢拾破損之件與盜用印信。
有間除計賊輕罪不議。將周恩綏照盜用
印信絞候上量減一等滿流係書吏知法
犯法應從重發往極邊烟瘴充軍。把總郭
廷元私求改換年歲應照以財行求計賊
例杖九十。

直隸司嘉慶十九年

直督咨何臨閣。因借欠孟兆升銀兩無償。
假造賊犯供扳傳訊關文騙銀冀圖還欠。
惟該犯粘貼圖記。並非印信。且贓未入手。
依詐爲府縣文書誑騙財物軍罪上量減。
一等滿徒。

廣西司 嘉慶十八年

廣西撫奏幕友羅修遠將陳姓薦與董邦

本管、理筆墨。詢係董邦本情愿延請。尙非
抑勒。惟以有印未用之官封。輒敢裝入私
札。薦賣媚之婦女。且係身爲幕友。更屬知
法犯法。查例內並無幕友以有印未用之
官封。裝入私書作何治罪。明文將羅修遠、
比照詐爲府州縣衙門印信文書杖一百。
流三千里。例上量減擬徒。係知法犯法。仍

加一等杖一百流二千里。

詐傳詔旨

河南司 嘉慶二十二年

提督咨郭存恭先因盜賣地畝問擬杖徒
尚未論決輒復冒寫伊叔奉

旨記名道府刷帖請客律應從重科斷惟
該犯係因伊叔恒山

京察一等誤會卽係

記名道府官昧籍寫于詐傳
詐古斬候律上量減一等滿流

對制上書詐不以實

山東司 嘉慶二十五年

兵部奏送川督解回逃旗國與咨文而貢有添寫字跡一案。查國興係旗下家奴私逃出京，膽敢妄擬奏章條陳時事，迨獲案遞解回京，復捏造荒誕不經之詞，竊取遞解咨文書寫冀圖聳聽陳奏應比照上書。

不係本職條陳時務詐妄不以實者律杖一百徒三年

奉天司

嘉慶十八年

提督咨送袁聞桂呈遞條陳惡棍刁民竊盜一概永遠監禁城垣築高拆毀城外附近房屋城門出入人給銖牌買賣俱官給執照等款依上書詐不以實例擬徒

福建司 嘉慶十八年

都察院奏送駱長青呈遞封章條陳人心
風俗河防三條希冀見好依上書不係本
職條陳時務詐妄不以實律杖一百徒三年。

偽造印信時憲書等

陝西司道光元年

烏魯木齊都統奏步兵全幅等因指該管佐領之名私向鋪戶賒物該佐領查知欲責該犯等商偷該佐領圖記復因該佐領找尋緊急將圖記毀壞意冀陷害經該都統以偷盜印信與關防印記罪名懸絕律

無偷盜圖記正條。因該佐領圖記係奏明部頒將全幅等依盜各衙門印信不分首從皆斬部議佐領圖記係屬部頒並不在例載。

欽給之列自未便照印信擬斬惟該犯挾忿盜取該管佐領圖記毀棄蓄意陷害亦未便照盜關防印記律擬杖應比照盜各

衙門印信斬候律上量減一等滿流。

湖廣司道光二年

北撫咨潘潮綱係已革清書私造假券詐
騙花戶糧銀九兩八錢未便僅照詐騙科
斷應比照揣摸印信詐騙財物一兩以下
例杖六十徒一年花戶葉長發等將例應
親納錢糧託完被騙應比照業戶將契混

交匪人代投致被詐騙者照不應重律

四川司嘉慶二十四年

川督咨孔繼銘偽造衍聖公府執照木戳
詐騙銀兩一案。查執照非憑劄可比。卽私
刻木戳亦與關防印記不同。惟詐騙計賊
一百二十餘兩之多。若僅照詐欺官司計
賊准竊盜擬流竟置偽造木戳于不論。未

免輕縱。將孔繼銘比照僞造關防印記詐
騙財物爲數多者，例將爲首雕刻之人發
烟瘴少輕地方充軍。

河南司 嘉慶二十二年

河撫咨滿克功向在典史歐陽時鳴署內
充當火夫時受該典史斥署嗣因使女青
蓮亦被主母責打向該犯哭訴該犯懇令

將該典史木印偷出用刀劈碎查偽造印信與乘毀印信罪名相等則乘毀鈐記自應比照偽造關防印信律滿徒青蓮爲從減一等該典史于所掌鈐記被使女竊出劈毀事隔多日始行查出殊爲疎忽咨部議處

私鑄銅錢

湖廣司嘉慶二十五年

南撫谷外結徒犯內郭長青販賣布疋沿途賣與客商及鄉村小店得錢間有小錢夾雜不能過于挑剔零星剔存三十餘千誠恐繳官發價無幾虧折本錢起意售賣歸本並非有心買使圖利且未行使應照

攬和行使擬遣例上量減一等滿徒。

江蘇司 嘉慶二十三年

蘇撫咨盧阿六等私鑄小錢案內俞元隴知情貪利代租房屋例無專條于房主知情容留滿徒例上量減一等杖九十徒二年半

江西司 道光元年

江撫咨外粘徒犯內劉忠漢向以販賣雜貨陸續剔存小錢訊無私鑄私銷及攬和行使情弊照經紀鋪戶攬和私錢行使發遣例上酌減一等滿徒

直隸司嘉慶十九年

直督咨劉馬駒明知任光才僞造假銀故買漁利第未經行使于行使假銀枷號兩

個月滿流例上量減一等枷號兩個月杖一百徒三年

奉天司嘉慶二十一年

盛刑題劉涿盛等銷毀制錢案內之李恒太等僅圖利將錢送交代化並未帮同銷燬與帮同燒燬裝灌者有間將李恒太等依銷燬制錢爲從絞決例上酌改爲絞候

江蘇司

嘉慶十八年

蘇撫題高名準私鑄銅錢案內之李三貪
得張結巴謝禮錢文領同向買私錢將李
三比照知情買使私錢發遣例上量減一
等滿徒。

雲南司

嘉慶二十一年

雲撫咨曾衍馨等私鑄未成案內之楊紅

發既爲曾衍磬照料賑務並代買銅鉛卽屬爲從未便僅依受雇之人擬以杖八十徒二年楊紅發應改依爲從于曾衍磬滿流上減一等滿徒孟如春等受雇挑水打炭查此案方造器具尙未鑄錢均應如私鑄未成雇令挑水打炭之人杖八十徒二年上減一等杖七十徒一年半

浙江司嘉慶二十二年

浙撫咨張南樞收存私鑄五十餘千並不隨時呈繳將制錢攬和欲圖行用自應照經紀鋪戶人等攬和行使遣罪上量減一等滿徒。

江蘇司嘉慶二十三年

蘇撫咨陳連私販小錢轉賣漁利例無專

條。比照經紀鋪戶人等收買剪邊錢攏和
貨賣至十千以上者。照攏和私錢行使例。
發各省駐防爲奴。

浙江司道光二年

浙撫容李庭糾邀陳孔揚等合夥收運小
錢一案。李庭起意合夥收買小錢。陳孔揚
等聽從收運。雖非剪邊亦未攏和行使。第

結夥同行偷越關汎收錢六十九千之多
運至數百里之外欲圖銷用卽與行使貨
賣無異李庭應比照收買剪邊攤和貨賣
數至十千以上者照攤和私錢行使例發
駐防爲奴陳孔揚等均依爲從減等滿徒
張有成等將剔出小錢匿不呈繳復敢遠
出圖銷周松剛藏匿小錢私行賒賣計錢

均不及十千。均比照收買、剪邊錢鑄和貨賣。不及十千例俱枷號一個月杖一百。

浙江司道光元年

浙撫谷外結徒犯內顧懷陸續收買私鑄器具出租與店肆私鑄未成例無明文照私鑄爲從例滿徒

江蘇司嘉慶二十一年

蘇撫咨外結徒犯內丁正鳳買使小錢一
案。查丁正鳳收買劉天選小錢貪賤偶買。
尚未行使。即被拏獲。例內並無未經行使
治罪明文。丁正鳳比照私鑄案內貪賤買
使。遣罪上減等滿徒。

山西司嘉慶二十一年

晉撫咨曹秉義等私鑄鐵錢僅止三百。雖

未磨銹形質已成應比照鑄化些須鉛斤
鑄錢不及十千爲首例發黑龍江爲奴

河南司嘉慶十八年

河撫咨外結徒犯內周明珠私鑄鉛錢未
成余光泰等受雇打炭燒火磨錢例無治
罪明文將余光泰等比照房主人等依次
遞減例于私鑄鉛錢不及十千之房主人

等杖七十徒一年半罪上遞減一等杖六十徒一年

河南司 嘉慶二十二年

河撫咨張二一向做鐵鈴生意。因憶膽礮煮鐵。卽似銅色。遂起意私鑄鐵錢。漁利隨商允王添合鑄成鐵錢五千餘文。將張二等比照私鑄鉛錢不及十千爲首及匠人例。

俱發黑龍江爲奴。

陝西司

嘉慶二十年

陝撫咨武邦顯製造賭具一案。查案內之
楊步武僞造假銀未成。較之已成者有間。
例內並無治罪明文。將楊步武比照以銅
鐵水銀僞造金銀滿徒律上量減一等杖
九十徒二年半。

詐假官

直隸司

嘉慶

二十五年

順尹奏徒犯崔士玉詭捏莊親王諭帖騙得崔光峴財物又冒親王府親戚寫信索助查該犯所書諭帖信函均以被押告助爲詞是其捏寫諭帖之時已有詐冒之心按該犯詭捏親王諭帖例無專條應比照

詐、僞、一、二、品、官、言、語、所、犯、已、在、徒、罪、以、上、
合、依、詐、旨、

皇、親、族、屬、姻、黨、挾、騙、財、物、者、徒、罪、以、上、枷、
號、一、個、月、發、近、邊、充、軍、

山東司

嘉慶二十三年

南城移送杜長福。旨戴金項。該犯係太醫
院醫士。並非職官。所戴金項。卽與生監無

異杜長福應照假冒生監頂戴例杖一百。

江西司 嘉慶二十二年

江西撫咨攢典聶觀光抄寫小字文于考試時隨棚賣與考童夾帶及被獲到官又假冒職員比照未經考職書吏冒戴頂帽照冒職官例杖六十徒一年

詐稱內使等官

奉天司

嘉慶二十二年

盛京將軍咨褚自敬與三妞通姦。後三妞患病。將舊有出殃鎮宅藥方給與服食。嗣因三妞之父崔添佑聞知姦情。拒絕往來。輒復捏稱伊係被謫大員。不日復職等語。嚇娶三妞爲室。褚自敬應比照無官而詐。

稱有官並未造有懸劄但係圖騙一人圖行一事該犯徒罪以下發近邊充軍。

直隸司

嘉慶二十三年

順尹咨呈崔士玉因懷王瑞祥借貸不遂
微嫌捏造王瑞祥覺魅咒誣欲害周廷元
子嗣之言作札寄知欲圖交好覓館以致
周廷元輕聽呈告今審屬子虛在周廷元

係事出有因。而崔士玉又止圖交好。未令告官。均未便以誣告問罪。惟崔士玉始則冒充選拔。圖覓館地。迨關查不符。又假言現任衛千總。惟並非倚藉假官。有所求爲。將崔士玉于冒稱現任官姓名。並非造有憑劄。但係圖騙一人。該犯徒罪以下。發近邊充軍。例上量減一等滿徒。

河南司 嘉慶三十二年

河撫奏李良甫明知伊弟李兩兒係原任高唐營遊擊那爾太乞養之子與臬司琦善旗分官職迥不相同乃誤聽李聖儒妄言希圖榮耀輒敢代母出名投認如果得實該臬司係由廢生游膺三品例應擬軍今訊屬誣妄應卽坐誣惟該犯以鄉曲小

民胆敢冒認大員爲子弟應從重發往新疆爲奴李俊堂代作認呈于李良甫遺罪上減一等滿徒李聖儒首先捏造妄言懲恩旨認應于李俊堂滿徒上加一等杖一百流二千里

四川司 嘉慶二十五年

川督咨王俸因何三奇行竊李華升服物

該犯圖得李華升錢文卽詐稱差役將何三奇捉拏捆縛致何三奇情急投水斃命查何三奇並非平人該犯亦未向其索詐究與亥拏平人詐賊致斃不同將王俸依詐充差役亥拏平人嚇取財物被詐之人因而自盡擬絞監候例上量減一等滿流

湖廣司道光二年

北撫谷冉添幅糾邀陳國雄等假充差役
往向黃米氏家訛詐致令情急自盡惟黃
米氏窩留張麻子行竊並非平人冉添幅
應照詐稱差役嚇詐致被詐之人自盡絞
監候例上量減滿流

廣東司嘉慶二十四年

廣撫咨莫亞貴起意商同李亞藉等詐充

差役執持鎖鍊假以奉差緝賊爲由妄拏
李廣興勒索番銀四十員尙未過手將莫
亞貴依竈役詐賄十兩以上例發近邊充
軍財未接受減一等滿徒

山西司 嘉慶二十二年

晉撫咨代書武文斌假冒汾州府知府係
屬舊日至好并在外揚言許伊戴頂冀動

人聽可圖撞騙銀錢。將武文斌比照詐冒
內官親屬等項名色恐嚇官司誑騙財物
軍罪上量減一等滿徒。

四川司道光元年

川督裕李庭彩因見黃俸銀在

國制期內荆頭起意嚇詐令葉三元假差
往拏因黃俸銀不允給錢主使裂僻毆辱。

致黃俸銀氣忿自盡。查黃俸銀于

國制期內剃頭。並非無故之人。與妄擎平人嚇詐不同。于假充差役嚇詐平民致被詐之人因而自盡者。絞候例上量減一等杖一百流三千里。

安徽司

嘉慶二十三年

安撫咨張太因見謝維江竊其族叔驢頭

賣錢該犯起意假充捕役嚇詐謝維江不允棍毆謝維江右腿等處因傷殞命查捕役嚇詐拷打致死既不分平人竊盜俱照誣良例治罪則其假充捕役嚇詐拷打致死者亦應不分平人竊盜一例定擬將張太依詐充差役嚇取財物拷打致死例擬斬監候

詐稱內使等官

貴州司道光二年

貴撫咨王得仁假差嚇詐竊賊張老五被
張老五殺死伊夥袁老四等四命一案。查
王得仁起意假充差役糾同袁老四等前
往嚇詐竊賊張老五銀兩。張老五不肯出
銀互相爭鬧致張老五將袁老四陳官保
殺死該犯復邀鄉約土目等往拏又被張

老五放銃致傷趙老大安老霞斃命雖被
詐之張老五並非平民該犯亦未得駐惟
張老五之先後致斃四命皆由該犯嚇詐
所致律例內並無作何治罪明文應比附
定擬將王得仁比照詐稱各衙門差使嚇
詐財物擾害軍民犯該徒罪以上枷號一
個月發近邊充軍

奉天司道光二年

吉林咨已革番役張玉喜因聞知巴圖巴雅爾等詐得竊賊牛隻並索取錢文該犯隨詐充差役往拏巴圖巴雅爾等嚇詐牛馬錢文雖訊無捏造簽票情事但巴圖巴雅爾等並非平人自不便以妄拏平人科斷惟例內並無革役詐充差役鎖拏並非

平人嚇取財物治罪專條將張玉喜比照
詐充差役假以差遣爲由妄拏平人嚇詐
財物照蠹役詐賊十兩以上發近邊充軍
罪上量減一等擬徒係比例量減免其枷
號並免刺字

詐病死傷避事

四川司 嘉慶二十一年

川督答馬馬氏與冷嚴氏打胎致令墮胎身死一案。查馬馬氏因冷嚴氏與呂萬康通姦懷孕。倩伊用藥打胎以致墮胎斃命。律內並無姦婦自倩他人打胎身死用藥之人作何治罪。明丈將馬馬氏比依受雇

爲人傷殘因而致死減鬪殺罪一等律滿流。

江蘇司嘉慶二十二年

蘇撫咨趙李氏因馮徐氏與人通姦。免令買藥打胎。該氏貪利允從以致馮徐氏因此殞命。查墮胎事類傷殘係屬受雇核與受雇情爲人傷殘因而致死之律相符。趙

李氏應比照受雇爲人傷殘因而致死者減罰役二等律于該罪上減一等滿流係婦人照律收贖。

詐教誘人犯法

陝西司

嘉慶二十五年

東城移送楊振剛。自幼跟伊故父楊玉書學習拳棒。赴京賣藝。張有仁。因見楊振剛賣藝賺錢。隨楊振剛學習拳棒。同赴各處賣藝。旋被提督衙門拿獲。以不應重杖。送籍管束。張有仁復脫逃來京賣藝。被獲。

查張有仁學習拳棒遞籍後復逃來京賣藝。雖訊無自號教師情事究屬不遵例禁合依違。

制律杖一百。楊振剛早年曾演弄拳棒賣藝。嗣卽改悔。尙知畏法。惟該犯教令街隣孫膀子與伊幼子楊年兒在街摔跤並演說笑話。哄騙錢文。究有不合。楊振剛、孫膀

子均照不應輕律笞四十

四川司 嘉慶二十三年

川督奏譚仁壽邀約賭博屢改本名往來各省以賣藥爲由惑人射利情殊狡黠未便輕縱將譚仁壽比照游手好閑不務本業之流輸又舞棍遍遊街市射利惑民例杖一百流三千里

山西司 嘉慶二十三年

晉撫谷劉銀鼠強姦程廉氏未成案內劉四則因見程廉氏在河灘洗衣姿色尙好向劉銀鼠告知引往看視劉銀鼠起意強姦劉四則並不阻止反許代爲看人是劉銀鼠強姦之事實因該犯引導慇懃所致情同教誘犯法惟強姦之意究起于劉銀

鼠未便科以同罪。劉四則比照教誘人犯
法與犯法人同罪。律于劉銀鼠所得強姦
未成滿流上量減一等滿徒。

直隸司嘉慶十九年

直督奏張三力因雇集村童扮劇賽會比
照自號教師演弄拳棒輸義弄棍遍遊街
市射利惑民例滿流

福建司 嘉慶二十一年

閩督咨許加祿控告守備王得旺勒索等情一案。查案內之兵丁王得喜捏稟封雇渔船。得受許加祿番銀應比照長隨書役倚官滋事懲令妄爲累及本官至革職例杖六十徒一年。

四川司 嘉慶二十一年

北城移送李之任喊告胡文蒲代捐

誥封一案查李之任因王觀清無據空言
輒捏寫假信誑令胡文蒲代辦圖詐銀兩
其

誥軸雖係孟堃僞造究因該犯誘令胡文
蒲轉託孟堃承辦致孟堃圖利墮其術中
卽與教誘犯法無異王觀清商同詐銀分

致李之任誤信捏告該犯實係首先
肇衅王觀清與李之任均比照教誘人犯
法與犯人同罪例滿流